



RECIBO DE PRESENTACIÓN NO REXISTRO ELECTRÓNICO DA XUNTA DE GALICIA

A Axencia Galega de Desenvolvemento Rural (Agader) presentou no Rexistro Electrónico da Xunta de Galicia a documentación do procedemento MR701E PLAN MARCO: MELLORA DE CAMIÑOS MUNICIPAIS DE ACCESO A PARCELAS AGRÍCOLAS na que se indica para a súa remisión a:

XINZO DE LIMIA

PM20-0304312A-0137

NÚMERO DE SAÍDA	DATA E HORA	DESTINO
857409	01-07-2020 21:51:32	Rexistro Electrónico da Xunta - Agader

DOCUMENTO	ARQUIVO
Resolución de concesión	PM20-0304312A-0137.pdf

RESOLUCIÓN DE CONCESIÓN DE AXUDA

SUBVENCIONS A PROXECTOS DE MELLORA DE CAMIÑOS MUNICIPAIS DE ACCESO A PARCELAS AGRÍCOLAS 2020-2021 (MR701E)

I.- Identificación do proxecto

- Nº de Expediente: PM20-0304312A-0137
- Título do proxecto: MELLORA DE CAMIÑOS MUNICIPAIS 2020-2021. PLAN MARCO.
- Concello: XINZO DE LIMIA

II.- Antecedentes

- O 10 de marzo de 2020 a entidade promotora do proxecto presentou unha solicitude de axuda para a execución do proxecto citado.
- O 11 de xuño de 2020 o/a técnico/a de Agader Pilar Patiño Portas emitiu informe de control de elixibilidade (ICE), unha vez realizados os controis administrativos sobre a solicitude de axuda segundo establecido no Plan galego de controis Feader das medidas non establecidas no ámbito do sistema integrado para o período 2014-2020.

III.- Fundamentos legais

- Decisión de Execución da Comisión Europea, do 18 de novembro de 2015, pola que se aproba o Programa de Desenvolvemento Rural de Galicia (España), para os efectos da concesión da axuda do Fondo Europeo Agrícola de Desenvolvemento Rural (CCI:2014ES06RDRP011).
- Resolución do 19 de decembro de 2019 do director xeral de Agader pola que se aproba o Plan marco de mellora de camiños municipais de acceso a parcelas agrícolas 2020-2021, cofinanciado co Fondo Europeo Agrícola de Desenvolvemento Rural (Feader), ao abeiro do Programa de desenvolvemento rural de Galicia (PDR) de Galicia 2014_2020 (DOG núm. 27, do 10 de febreiro de 2020; corrección de erros DOG núm. 32, do 17 de febreiro de 2020; modificada por resolución do 29 de maio de 2020 DOG núm. 109 do 6 de xuño de 2020)
- Acordo do Consello da Xunta de Galicia do 19 de decembro de 2019 polo que se autoriza a Agader a concesión directa das axudas tramitadas ao abeiro do Plan marco de mellora de camiños municipais de acceso a parcelas agrícolas 2020-2021
- Resolución do 24 de xullo de 2013, da Dirección Xeral da Axencia Galega de Desenvolvemento Rural, pola que se fai pública a delegación de competencias na Presidencia e na Dirección Xeral (DOG n.º 148, do 5 de agosto).

Tendo en conta a proposta de resolución elevada pola Subdirección de Planificación e Dinamización do Medio Rural, en calidade de órgano instructor do procedemento, **RESOLVO**

Conceder unha axuda ao proxecto sinalado de acordo coas seguintes condicións:

1. O orzamento presentado e aprobado desagregado por conceptos é o seguinte:



Concepto	Orzamento Presentado	Orzamento Aceptado	OBSERVACIÓNS
Actuación 1: CAMIÑO PAREDES	19.846,63 €	19.846,63 €	
Actuación 2: CAMIÑO BARONZÁS	19.908,25 €	19.908,25 €	
Seguridade e Saúde	224,44 €	224,44 €	
Xestión de residuos	228,20 €	228,20 €	
Outros			
Gastos Xerais	5.226,98 €	5.226,98 €	
Beneficio Industrial	2.412,45 €	2.412,45 €	
Total Proxecto de Obra	47.846,95 €	47.846,95 €	
Control de Calidade	1.153,05 €	1.153,05 €	
TOTAL	49.000,00 €	49.000,00 €	

2. A puntuación obtida por cada unha das actuacións propostas no proxecto segundo o baremo (artigo 12 do Anexo I do Plan de mellora) é a seguinte:

- Actuación 1 : CAMIÑO PAREDES Puntuación (mínimo 30): 60 puntos
- Actuación 2 : CAMIÑO BARONZÁS Puntuación (mínimo 30): 60 puntos

3. A presente axuda está cofinanciada polo Fondo Europeo Agrícola de Desenvolvemento Rural, no marco da medida 4.3 do PDR de Galicia 2014-2020. A súa concesión incide directamente na Área focal 2A (mellorar os resultados económicos de todas asexplotacións e facilitar a súa reestruturación e modernización, en particular co obxecto de incrementar a súa participación e orientación cara ao mercado, así como a diversificación agrícola)

4. O importe da subvención finansiase con cargo á conta orzamentaria 2020-14-A1-712A-760.0 dos orzamentos de Agader, de acordo coa seguinte desagregación por fontes cofinancieiras:

Orzamento aceptado		49.000,00 €		
% Axuda		100,00 %		
Importe axuda	49.000,00 €	Importe axuda		
		FEADER	75%	36.750,00 €
		MAPAMA	7,5%	3.675,00 €
		XTA. GALICIA	17,5%	8.575,00 €

O importe da axuda distribuirase entre anualidades do seguinte xeito:

Anualidade	% subvención	Importe axuda
2020	50%	24.500,00 €
2021	50%	24.500,00 €

Esta axuda concédese en réxime de concesión directa, con fundamento no artigo 26 da Lei 9/2007, do 13 de xuño, de subvencións de Galicia (en adiante, LSG), en relación co artigo 40 do Decreto 11/2009, do 8 de xaneiro, polo que se aproba o seu Regulamento.

5. Esta axuda é incompatible con calquera outra que, para o mesmo proxecto e finalidade, leve cofinanciamento comunitario, independentemente do fondo de procedencia e da súa tipoloxía. En particular, será incompatible con calquera axuda cofinanciada con Feader no marco do PDR de Galicia 2014-2020. Coa excepción anterior, as subvencións concedidas ao abeiro desta convocatoria serán compatibles con outras



axudas, subvencións ou recursos destinados á mesma finalidade, sempre que a intensidade máxima das axudas con fondos públicos non exceda o 100% do importe elixible do proxecto.

Nos termos declarados xunto coa solicitude de axuda, a persoa/entidade promotora declara:

Non se solicitou nin se concedeu ningunha outra axuda para este mesmo proxecto e conceptos para os cales se solicita esta subvención

6. O prazo límite para executar e xustificar os investimentos correspondentes á anualidade 2020 será o **18 de setembro de 2020**. O prazo final de execución e xustificación remata o **4 de xuño de 2021**.

A xustificación documental dos investimentos realizarase nos termos previstos no artigo 12 do anexo I da Resolución do 19 de decembro de 2019, para a concesión directa, mediante resolución, das axudas correspondentes ao Plan Marco: Mellora de camiños municipais de acceso a parcelas agrícolas 2020-2021.

7. O réxime de pagamentos será o establecido no artigo 18 do anexo I da Resolución do 19 de decembro de 2019, para a concesión directa, mediante resolución, das axudas correspondentes ao Plan Marco: Mellora de camiños municipais de acceso a parcelas agrícolas 2020-2021.

8. Con carácter xeral, son obrigas dos beneficiarios as establecidas no artigo 11 da LSG e, en particular:

a) Cumprir o obxectivo, executar o proxecto, e manter a obriga de destino das actuacións subvencionadas durante un período mínimo de cinco anos a partir da resolución de pagamento final.

As obras deberán ter unha garantía de mantemento de cinco anos, contados desde a data de pagamento final da axuda e serán por conta do concello os custos necesarios para a súa xustificación.

O concello debe asumir todas e cantas responsabilidades dimanen das posibles irregularidades ou ilegalidades causadas por mor das obras, nos termos previstos na Lei 9/2017, do 8 de novembro, de contratos do sector público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, do 26 de febreiro de 2014.

b) Xustificar ante o órgano concedente o cumprimento dos requisitos e das condicións, así como o cumprimento da finalidade da subvención, a realización do proxecto completo que fundamentou a concesión da subvención e o seu custo real.

c) Destinar os fondos percibidos ao obxecto concreto para o cal foron concedidos e executar a totalidade do proxecto presentado xunto coa solicitude e que fundamentou a resolución de concesión, segundo o estipulado no artigo 41 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

d) Realizar o proceso de tramitación e adxudicación da contratación conforme coas prescricións contidas na Lei 9/2017, do 8 de novembro, de contratos do sector público, e demais normativa de contratación aplicable ás entidades locais.

e) Conservar os documentos xustificativos da aplicación dos fondos percibidos, incluídos os documentos electrónicos, en tanto poidan ser obxecto das actuacións de comprobación e control.

f) Comunicar a Agader a obtención de subvencións, axudas, ingresos ou recursos que financien as actividades subvencionadas. Esta comunicación deberá efectuarse no momento en que se coñeza e, en todo caso, con anterioridade á xustificación da aplicación dada aos fondos percibidos.

g) Consentir expresamente a inclusión dos datos relevantes da subvención nos rexistros públicos que proceda, conforme coa disposición adicional do Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, dos orzamentos xerais da Comunidade Autónoma para o exercicio 2006 e artigo 16 da Lei 9/2007, do 13 de xuño, de subvencións de Galicia. A aceptación da axuda supón a súa publicación nunha lista pública de beneficiarios.



h) Deberase publicitar a concesión da axuda nos termos previstos no Anexo III do Regulamento 808/2014, da Comisión, do 17 de xullo de 2014, polo que se establecen disposicións de aplicación do Regulamento (UE) 1305/2013, e co disposto na Estratexia de información e publicidade do PDR 2014-2020 de Galicia; en particular, do seguinte xeito:

- Publicitar a concesión da axuda mediante a colocación dun panel de obra nun lugar visible ao público con información sobre o proxecto, en que se destacará a axuda financeira da unión, coa inclusión do seguintes elementos: a bandeira europea, a referencia ao Fondo Europeo Agrícola de Desenvolvemento Rural (Feader), e a inclusión do lema: «Fondo Europeo Agrícola de Desenvolvemento Rural: Europa inviste no rural». Ao mesmo tempo, incluírán unha referencia á participación do Ministerio de Agricultura, Pesca e Alimentación na cofinanciación das actuacións subvencionadas, mediante a inclusión do logotipo deste organismo. O panel será de material resistente e ríxido, e deberá estar colocado ata o momento da realización da visita in situ.
- No caso de que o concello teña páxina web, incluírá unha breve descrición da operación con referencia ao financiamento da Unión Europea.

i) Someterse ás actuacións de comprobación que deba efectuar Agader, ás de control financeiro que corresponde á Intervención Xeral da Comunidade Autónoma en relación coa subvención concedida, así como as previstas na lexislación do Tribunal de Contas e do Consello de Contas.

Os concellos beneficiarios suxeitaranse ás verificacións previstas no Regulamento (UE) núm. 809/2014 da Comisión, do 17 de xullo de 2014, polo que se establecen disposicións de aplicación do Regulamento (UE) núm. 1306/2013 do Parlamento Europeo e do Consello, no que se refire ao Sistema integrado de xestión e control, as medidas de desenvolvemento rural e a condicionalidade, e, no seu caso, ás dos servizos financeiros da Comisión Europea e do Tribunal de Contas Europeo, e achegar canta información lles sexa requirida no exercicio das actuacións anteriores.

De conformidade cos artigos 24 e seguintes do citado regulamento, entre estas actuacións de comprobación efectuaranse controis administrativos de todas as solicitudes de axuda e de pagamento, así como os controis sobre o terreo e controis a posteriori que se determinen.

Ademais, e en aplicación do disposto no artigo 71 do Regulamento (UE) núm. 1305/2013, deberán proporcionarlle á Autoridade de Xestión do PDR de Galicia 2014_2020, aos avaliadores designados ou a outros organismos en que dita autoridade delegue a realización deste tipo de tarefas, toda a información necesaria para poder realizar o seguimento e avaliación do programa.

k) Os beneficiarios deberán manter un sistema de contabilidade separado ou un código contable adecuado que facilite unha pista de auditoría apropiada en relación con todos os gastos correspondentes cos investimentos realizados ao amparo desta orde, segundo resulta do artigo 66 do Regulamento 1305/2013 do Parlamento Europeo e do Consello, do 17 de decembro de 2013, relativo á axuda ao desenvolvemento rural a través do Feader.

l) Cando o concello beneficiario non poida executar o proxecto subvencionado, deberá presentar a súa renuncia a través do modelo normalizado que se incorpora á resolución como anexo V.

9. Para os efectos de determinar a compatibilidade e acumulación das axudas, a persoa beneficiaria deberá declarar outras axudas solicitadas, concedidas e/ou pagadas para o mesmo proxecto, nos termos previstos na solicitude de axuda (anexo IV) e na solicitude de pagamento (anexo VI).

10. Procederá o reintegro das contías percibidas indebidamente e a exixencia dos xuros de demora nos supostos previstos no artigo 33.1 da LSG. O procedemento de reintegro tramitarase nos termos previstos no artigo 77 do Decreto 11/2009.

11. Os beneficiarios das axudas, de ser o caso, estarán suxeitos ao réxime sancionador previsto no título IV da LSG, desenvolvido no título VI do RLSC.



12. Contra esta resolución, que pon fin á vía administrativa, poderase interpor recurso potestativo de reposición ante o Consello de Dirección de Agader, no prazo dun mes a contar desde o día seguinte ao da súa notificación, ou ben directamente recurso contencioso-administrativo ante o Xulgado do Contencioso-administrativo de Santiago de Compostela, no prazo de dous meses, nos termos previstos na Lei 29/1998, do 13 de xullo, reguladora da xurisdición contencioso-administrativa.

Santiago de Compostela,

O director xeral de Agader

-Por delegación: Resolución 24/07/2013; DOG n.º 148, do 5 de agosto-.

Asinado dixitalmente

Miguel Ángel Pérez Dubois

